

Na osnovu člana 66. stav 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u vezi sa članom 66. Zakona o vodama Kantona Sarajevo ("Službene novine Kantona Sarajevo", broj: 18/10, 43/16 i 44/22), ministar Ministarstva komunalne privrede, infrastrukture, prostornog uređenja i zaštite okoliša Kantona Sarajevo donosi

## **PRAVILNIK O DODJELI NAMJENSKIH SREDSTAVA-VODNIH NAKNADA KANTONA SARAJEVA**

### **Član 1.** (predmet)

Ovim Pravilnikom se definišu kriteriji za dodjelu namjenskih sredstava-vodnih naknada Kantona Sarajevo iz oblasti vodosnabdijevanja i odvodnje otpadnih voda na području Kantona Sarajevo.

### **Član 2.** (sredstva za vodnu naknadu)

Sredstva za vodne naknade obezbjeđuju se shodno članu 169. i 170. Zakonom o vodama ("Službene novine Federacije BiH", broj 70/60) i članu 66. Zakona o vodama Kantona Sarajevo ("Službene novine Kantona Sarajevo", broj: 18/10, 43/16 i 44/22).

### **Član 3.** (pravo na podnošenje zahtjeva/prijave)

Pravo na podnošenje zahtjeva/ prijave za dodjelu novčanih sredstava iz namjenskih sredstava vodnih naknada Kantona Sarajevo iz oblasti vodosnabdijevanja i odvodnje otpadnih voda na području Kantona Sarajevo imaju jedinice lokalne samouprave sa područja Kantona Sarajevo.

### **Član 4.** (javni poziv)

Ministarstvo komunalne privrede, infrastrukture, prostornog uređenja i zaštite okoliša Kantona Sarajevo (u daljem tekstu: Ministarstvo) će objaviti Javni poziv za dodjelu namjenskih sredstava-vodnih naknada Kantona Sarajevo na web stranici [www.mkipgo.ks.gov.ba](http://www.mkipgo.ks.gov.ba), a rok za dostavu prijave je 30 dana od dana objave na web stranici Ministarstva.

### **Član 5.** (kriteriji)

(1) Kriteriji za odabir projekata su:

**a) Opći kriteriji koje mora zadovoljiti svaki korisnik za izbor:**

- da projekti pripadaju vodnim objektima definisanim u skladu sa Zakonom o vodama ("Službene novine Federacije BiH", broj 70/60) i Zakonom o vodama Kantona Sarajevo ("Službene novine Kantona Sarajevo" broj:18/10, 43/16 i 44/22 ) i Uredbi o opštim uslovima za snabdijevanje vodom za piće, obradu i odvođenje otpadnih i atmosferskih voda ("Službene novine Kantona Sarajevo", broj 22/16)

- da je korisnik sredstava uspješno završio ili je u toku realizacije i da je to pravdao prethodni projekat shodno potpisanom sporazumu sa Ministarstvom,
- da je korisnik sredstava obezbijedio projektnu dokumentaciju u skladu sa zakonskom regulativom na nivou glavnog projekta sa pribavljenim saglasnostima nadležnih institucija
- da je korisnik sredstava obezbijedio saglasnost i odobrenje nadležnog kantonalnog javnog komunalnog preduzeća ili javnog komunalnog preduzeća u zavisnosti od teritorije iz čije domene se projekat izvodi.

**(2) Posebni kriteriji koji se vrednuju :**

kriterij	opis	bodovi
I	Projekti koje sufinansiraju donatori, kreditori ili drugi subjekti	5-15
II	projekti koji postižu najveće efekte na području gdje se realizuju	5-15
III	projekti koji imaju veći stepen vlastitog učešća	5-15
IV	projekti sa jasnim i mjerljivim očekivanim rezultatima	5-15
V	projekti sa jasnim i provedivim planom i programom aktivnosti	10-20
VI	održivost projekta	10-20
VII	nastavak realizacije započetog projekta	50
ukupno		90-150

**Član 6.**

(dostavljanje dokumentacije)

(1) Dokumentacija koja se mora dostaviti uz prijavu:

- a)** ispunjen, ovjeren i potpisan obrazac za prijavu projekta od strane ovlaštene osobe (općinskog načelnika);
- b)** izjavu o namjenskom trošenju sredstava potpisanu od strane odgovorne osobe (općinskog načelnika);
- c)** izjavu o visini vlastitog finansijskog sudjelovanja u implementaciji projekata potpisanu od strane odgovorne osobe (općinskog načelnika);
- d)** dokaz da je korisnik sredstava uspješno završio i opravdao projekte ( Izvještaj nadzornog organa o završetku radova) za 3 (tri) prethodne godine shodno potpisanom ugovoru ili sporazumu (ako ga je imao) ili dokaz da je korisnik sredstava u toku realizacij projekta;
- e)** izjavu da je korisnik projekta sproveo postupak javne nabavke ili da će provesti postupak Javne nabavke u skladu sa Zakonom o javnim nabavkama ("Službeni glasnik BiH", broj 39/14 i 59/22).

(2) Svi dokumenti koji se prilažu uz prijavu na javni poziv moraju biti original ili ovjerene kopije.

**Član 7.**  
(način prijave)

Prijave se mogu dostaviti poštom preporučeno u zatvorenoj koverti ili lično dostavom preko protokola Kantona Sarajevo na adresu: Kanton Sarajevo, Ministarstva komunalne privrede, infrastrukture, prostornog uređenja i zaštite okoliša - Komisija za ocjenu projekatama, ulica Reisa Džemaludina Čauševića, 71 000 Sarajevo, uz naznaku: "Prijava sufinansiranja Projekata iz oblasti vodosnabdijevanja i odvodnje otpadnih voda"- Ne otvaraj.

**Član 8.**  
(Komisija)

Ministar Ministarstva komunalne privrede, infrastrukture, prostornog uređenja i zaštite okoliša Kantona Sarajevo imenovat će komisiju za ocjenu ispunjavanja kriterija iz javnog poziva u roku od 7 dana od dana objavljivanja javnog poziva.

Komisija je dužna pregledati prijave projekata zaprimljene na temelju Javnog poziva, provjeriti dali su ispunjeni kriteriji za odobravanje sredstava, te zapisnik sa rang listom dostaviti Ministarstvu na dalje postupanje.

**Član 9.**  
(godišnji program)

(1) Ministarstvo privrede i Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo će na osnovu Planova upravljana vodama za vodno područje rijeke Save i vodno područje Jadranskog mora, a shodno potrebama Kantona Sarajevo, izraditi pojedinačne godišnje programe utroška sredstava prikupljenih po osnovu vodnih naknada.

(2) Vlada Kantona Sarajeva će na pojedinačne prijedloge Ministarstva privrede i Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo usvojiti pojedinačno godišnje programe utroška sredstava prikupljenih po osnovu vodnih naknada iz člana 177. stav (1) tačka 2. Zakona o vodama ("Službene novine Federacije BiH", broj 70/06).

(3) Vlada Kantona Sarajevo će na prijedlog Ministarstva privrede uvažavajući potrebe i Ministarstva privrede i Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, donijeti odluku o raspodjeli sredstava iz vodnih naknada iz člana 177. stav (1) tačka 2. Zakona o vodama ("Službene novine Federacije BiH", broj 70/06) koja su potrebna za realizaciju projekata iz godišnjih programa ovih ministarstava.

**Član 10.**  
(sporazum)

Nakon provedene procedure iz člana 9. ovog Pravilnika, Ministarstvo će zaključiti sporazum sa korisnicima koji ispunjavaju kriterije za dodjelu namjenskih sredstava.

**Član 11.**  
(obrazac zahtjeva za prijavu)

Obrazac zahtjeva za prijavu korisnika je sastavni dio ovog Pravilnika.

**Član 12.**

(prestanak važenja ranijeg Pravilnika)

Danom stupanja na snagu ovog Pravilnika prestaje da važi Pravilnik o dodjeli namjenskih sredstava - vodne naknade, Ministarstva komunalne privrede i infrastrukture broj: 27-14-41885/19 od 27.11.2019. godine.

**Član 13.**

(stupanje na snagu Pravilnika)

Ovaj Pravilnik stupa na snagu narednog dana od dana objavljivanja u “Službenim novinama Kantona Sarajevo”, i objavit će se na web stranici Ministarstva.

**MINISTAR**

**Enver Hadžiahmetović, dipl.ing.maš.**

**Broj: 05-02-1262/23**

**Sarajevo, \_\_\_\_\_ godine**